

Bibele ya banana
Itiswa ku mina

Paseka
Ya Pili



I ñozwi ki: Edward Hughes

I bonisizwe ki: Janie Forest; Alastair Paterson

I hamuhezwi ki: Lyn Doerksen

I tolokilwe ki: JARNIX M. MASIYE

I hatisiswe ki: Bible for Children
www.M1914.org

©2020 Bible for Children, Inc.

Zibiso: Mu lukuluhile kukopisa likande le kapa
ku liñola, kono hamu lumelezwi ku lekisa.



Musali a yema kwa buse
a lilundu ku nze
kuna ni lilata
leli tuna, a
talimela kwa
halimu a
hubukezi
ze ne
ezahala.




Mwaña hae a nza shwa.
Mahe neli Maria
mi na yemi
bukaufi ni
sibaka seo
Jesu na
kokotezwi fa
sifapahano.





Ki sika mani
sesi ezahalile?
Ki kabakalañi
Jesu a na
siya bupilo
bwa hae
bo bunde
ka mukwa
o maswe?





Ki kabakalañi
mulimu a na
lumelelelize
Mwan'a
hae ku
kokotelwa
fa sifapahano
ni ku shwela
fateñi?





Kana Jesu na
ezize mafosisa
ka mwa na
inezi?

Kana
Mulimu
na palezwi
ku mu tusa?





Batili! Mulimu
na sika palelwa.
Jesu na sika eza
mafosisa. Jesu
na ziba kuli uka
bulaiwa ki
baezalibi.





Mane ni haili Jesu
a na sali mbututu,
macembele wa
Mulena wa libizo
la Simioni na
bulelezi Maria
kuli nekuna ni
maswabi kwa pili.



Kasamulaho
a mazazi a
manyinyani
pili Jesu a sika
bulaiwa kale,
musali yo muñwi
a sela mafula a nunka
hahulu kwa mahutu a hae.



"Kini a
shinya cwalo
masheleñi?"
balutiwa ba bilaela."



U ezize
musebezi o
munde, "kwa
bulela Jesu.
"U ezize taba
ye ku itukiseza
ku bulukwa kwa ka."
Ki manzwi kwa ku komokisa.



Kasamulaho a zeo,
Judasi, yo muñwi
wa balutiwa ba
lishumi ka
bababeli, ...



... a lumela kubeteka
Jesu ku yo muhulu wa
ba-prisita ka mali a
muwayawaya a eza
lisiluvera ze
mashumi a
malalu.



Kwa mukiti wa paseka
wa majuda, Jesu a
lalela mulalelo wa hae
wa mafelelezo ni
balutiwa ba hae.



A ba bulelela litaba
ze komokisa za
Mulimu hamoho cwalo
ni lisepiso za Hae ku
baba mu lata.






Cwale a ba fa sinkwa ni
sinwelo kuli ba ikabele
mwahala'a bona. Se neli
ku ba hupulisa kuli
mubili ni mali a Jesu
neli filwe ili kuli li tise
swalelo ya
libi.



Cwale Jesu a bulela balikani ba hae
kuli u ka betekwa, ni kuli ba kabe ba
mu sabezi, "A ni na ku sabela," Pitrosi
a kanana, "mukombwe u sika lila kale,
ukabe so ni
latuzi halalu,"
Jesu a mu
bulelela.





Kwa manzibwana
a busihu bo, Jesu
a ya mwa simu
ya Getisimane ku
yo lapela.
Balutiwa ba na ile
ni bona ba kala ku
ozela mi ba
lobala.





"Oho, ndate,"
Jesu a lapela,
"... sinwelo se
si sike sa ba
bukaufi ni na.
Nihakulicwalo,
ku eziwe tato
ya hao ki siñi
tato ya ka."



Honafo sikwata sa
masole sa kena mwa
simu, si elelezwi ki
Judas. Jesu na
sika tundana,
kono pitrosi a
puma muuna yo
muñwi zebe.



A nze a kuzize,
Jesu a nopa zebe
ya muuna yo mi a i
folisa. Jesu na
ziba kuli ku
swaliwa kwa hae
neili tato ya
Mulimu.



Sikwata sa masole sa isa Jesu kwa
ndu ya mu-prisita yo muhulu. Kwateñi,
ba bahu ba
majuda ba
lelisana kuli
Jesu a
bulaiwe.



Fa kaufinyana, Pitrosi na yemi kwatoko a mulilo mi yo muñwi wa batanga a mu bona.



Misipili ye milalu yeo batu ne ba bonanga Pitrosi ne ba mu buzanga bali, "Ni wena ne u inanga ni Jesu!"



Misipli ye milalu Pitrosi anze a
latulanga, sina Jesu a na bulezi.


Pitrosi a konka
mwa na konela
kaufela.



KUKU-LU-KUKUUUU


Isali onafu,
mukombwe wa lila.
Kwa utwalile sina
linzwi la Mulimu
mwa mazebe a
Pitrosi. A hupula
manzwi a Jesu, mi
a kala kulila katata.






Judasi ni yena a ipona
mafosisa. Na ziba kuli
Jesu na sina sibi
sifi kapa sifi, kapa
mafosisa.






Judasi a kutisa
mali a muwaya-wayaya
a eza lisiluvera ze
mashumi ...





... amalalu a na
shimbile kwa ba
prisita kono ba
hana ku a
hamuhela.





Judasi a yumbela
masheleñi fafasi,
a zwela kwande mi
a yo ipulaya kaku
itamelela mwala.





Ba prisita ba tisa Jesu
fa pil'a Pilato, mubusisi
wa puso ya Siroma.
Pilato a bulela
ali, "A ni boni
mulato ku

mutu yo."






Kono nyangela
ya huweleza
yali, "U mu
kokotele fa
sifapano! U
mu kokotele


fa sifapano!"




Kwa mafelelezo, Pilato
a ba fa yena, mi a laela
kuli Jesu a kokotelwe
fa sifapano. Masole
ba nataka Jesu, ba mu
kwelaka mati fa
pata, ni ku mu
shapaka
lipafa.



Ba panga kuwani ya
miutwa ye mitelele ye
shengile mi ba mu
sineneka yona kwa toho.
Cwale ba mukokotela fa
sifapano sesi pangilwe
fa kota kuli
a shwe.



Jesu na ziba kuli nana ni ku shwa
ka mukwa o cwalo. Na ziba hape kuli
lifu la hae neli tisa
swalelo kwa
baezalibi bao
ba beya sepo ya
bona ku yena.



Ba kokotela hamoho ni Jesu
likebenga ze peli kafa ni kafa. Yo
muñwi wa likebenga
na lumela ku Jesu
mi a yo kena mwa
Paradaisi. Yo
muñwi yena na
sika kena.



Kasamulaho a lihola
za manyando, Jesu
a bulela ali, "Ku
felile," mi
a shwa.



Musebezi wa hae
ne u petahalile.
Balikani ba hae
ba mu buluka
mwa libita.



Cwale masole ba
kwala kwateni,
ba pikuluseza
kwateni licwe
leli tuna mi
ba kala

kulondela
libita.



Ne ku sina mutu
ya na kona ku
kena mwa teni
kapa ku zwa.



Cwale hane ikaba kuli a
ki ona mafelelezo
a likande,
neli kaba
bumaswe
cwañi?



Kono Mulimu a eza
sika sesi komokisa.
Jesu na sika ina
mwa teni inge
a shwile!



Kakusasana la pumulo
lizazi li sika pazula kale,
babañwi ba balutiwa
ba Jesu bayo
fumana kuli
licwe le ne ...




... li kwalilwe kwalibita neli
pikulusizwe kwa teni.
Ba talima mwahali,
mi ba fumana kuli
Jesu na siyo
mwateni.



Musali yo muñwi na
inzi kwa tuko a libita
a nze a lila. Jesu a
iponahaza ku yena!



A kuta ku yo bulelela
balutiwa babanwi a
nze a tabile hahulu.
"JESU WA PILA!
JESU U ZUHILE




KWA BAFU!"



Kapili-pili Jesu a iponahaza
kwa balutiwa ba hae, mi a ba
bonisa mañiba mwa mazoho a
hae. Ki niti. JESU WA
PILA HAPE!





A swalela pitosi ya na mu
latuzi, mi a taluseza balutiwa
ba hae kuli ba yo bulelela batu
kaufela ka za Hae. Cwale a
kutela kwa lihalimu koo na
zwile teñi ka lizazi
la pili la Krisimasi.



Paseka Ya Pili

Likande leli zwa mwa linzwi la
Mulimu, Bibebe

Lifumaniwa mwa

Mateu 26-28, Luka 22-24,
Joani13-21

"Makalelo a lituto za hao a tisa liseli."
Lisamu 119:130



KU FELILE



Bibele ye I lu bulelela ka
za Mulimu wa luna yo munde yo
a lu bupile mi a bata kuli lu mu zibe.

Mulimu wa ziba kuli lu ezize lika ze maswe zeo
a a biza kuli sibi. Koto ya sibi ki lifu, kono
Mulimu u lu latile hahule kuli mane u lu lumezi
Mwan'a Hae Jesu, ku to shwela libi za mina fa
sifapahano. Kono Jesu a zuha hape kwa bafu
mi aya kwa hae kwa lihalimu! Haiba mu lumela
ku Jesu ni ku kupa kuli a mi swalele libi za
mina, U ka mi swalele! U ka taha ni ku to
pila ku mina isali ona foo, mi u ka pila
ku mina kuya-kuile.



Haiba mu lumela kuli taba ye
ki ya niti, mu bulele tapelo ye ku Mulimu:
Oho Jesu, Na lumela kuli u Mulimu, mi na
ikezize mutu bakeñisa libi zaka, mi ku zwa
kacenu u ka pila ku na hape. Ni kupa kuli
u kene mwa bupilo bwa ka mi u ni swalele libi
za ka, ili kuli zazi le liñwi ni yo ina ni Wena
kuya-kuile. U ni tuse ku ku lalelela ni ku pilela
ku wena kaku ba mwan'a Hao. Amen.

Mu bale Bibeale, mi mu bulela ni Mulimu
zazi ni zazi! Joani 3:16

